

Gvangjsih Minzczuz Bau

ganhhau: CN45-0036 B.2019 Nd.10 Ng.23 liggaueq geijhah nienz ndwengouj ngeihhaj

广西民族报

(壮文版)

主管主办: 广西壮族自治区

民族宗教事务委员会

编辑出版: 广西民族报社

出版期数: 总第 3396 期

Aen Hoih Canghfanhoiz Saemjdingh Swz Moq Sawcuengh Bi 2019 Cunghgoz Minzczuz Yijvwnz Fanhyizgiz Youq Fangzcwnzgangj Ciuhai

10 nyied 19 hauh, youq Gvangjsih Fangzcwnzgangj Si hai Aen Hoih Canghfanhoiz Saemjdingh Swz Moq Sawcuengh Bi 2019 Cunghgoz Minzczuz Yijvwnz Fanhyizgiz, baez hoih neix youz Cunghgoz Minzczuz Yijvwnz Fanhyizgiz cawjbanh, Gvangjsih Fangzcwnzgangj Si Minzczunghvej bang-banh.

Boux gizcangj Cunghgoz Minzczuz Yijvwnz Fanhyizgiz Lij Vanyingh caeuq boux fugizcangj Lij Yuzlen, boux fucujyin Gvangjsih Bouxcuengh Swcigih Minzczunghvej Vei Yungjhungz, boux fusicangj Gvangjsih Fangzcwnzgangj Si Ouhyangz Cin, boux cujyin Gvangjsih Fangzcwnzgangj Si Minzczunghvej Bauh Gyahyouj caez daengz aen gaihmu si neix. Aen hoih neix youz Lij Yuzlen cujiz.

Youq gwnz gaihmu si, Lij Vanyingh giethab yinvu baez hoih neix gangj sam aen yigen: It dwg guh gaiq hong yungh saw minzczuz fanhoiz, aeu ndaetndi dawz ndei diuz sienq "Cuk maenh aen eijsik caezcaemh Cunghvaz Minzczuz"; ngeih dwg guh gaiq hong yungh saw minzczuz fanhoiz, aeu roengzrengz fugsah gaiq hong aen daihbuenz dangj caeuq guekgya; sam dwg geiqmaenh sawjmingh gamj dang-sah, yungh simnduj caeuq sawjmingh guh ndei gaiq hong saemjdingh swz moq.

Vei Yungjhungz gangjdaengz, Swcigih Minzczunghvej (Minzyijvej) youq mwh caeuq Cunghgoz Minzczuz Yijvwnz Fanhyizgiz doxgap guh gij hong fanhoiz, daegbied dwg bi' gvaq Gvangjsih Bouxcuengh Swcigih laebbaenz 60 hopbi, aen swz Sawcuengh caeuqfaenh gij hong fanhoiz caeuq doengzsing hoiz vah, doengzseiz muengh baezlaeng



yaek caez dazfwngz, caezsim guh, dawz gaiq hong fanhoiz Sawcuengh nyoengx baenaj dem.

Gwnz hoih, Cunghgoz Minzczuz Yijvwnz Fanhyizgiz soengq 《Cunghgoz Gungcanjdangj Canghcnwngz》《Cibgouj Daih Vwnzgen Gyoebbien》《Cunghvaz Yinzminz Gunghozgoz Yenfaz》daengj cek Sawcuengh hawj Fangzcwnzgangj Minzczunghvej.

Baez hoih neix, miz Baekging, Guengjsae, Yinznanz daengj dieg 25 boux lauxhangz, faen guh song aen cuj, saemjdingh gij mingzcwngh faplwd Sawcuengh. Vih neix daegbied daj gihcnwngz cingj geij boux fazgvah daeuq, caeuq gyoengq lauxhangz Vahcuengh, Sawcuengh caezcaemh yaenglwnh. Seiz gaenj hong naek, hoeng mbat neix lwnh seiz haenq souj gij yenzcwz saemjdingh, aeu gij cingsaenz canghlig nyinhcaen cug aen saemjdingh, gyoengq lauxhangz cungj vih gij

swz moq baenzlawz hoiz cix mwngz coenz gou coenz, gangj ok gij yawjap bonjfaenh. Vihliux aeu Vahcuengh hoiz ndaej engq doj engq ndei, gyoengq lauxhangz ngeix dwk ukhaw liux.

Aen hanghmoeg gveihfan swz moq youz Cunghgoz Minzczuz Yijvwnz Fanhyizgiz daj 2010 nienz hai guh, daengz seizneix, aen hoih canghfanhoiz saemjdingh swz moq Sawcuengh youq dieg Guengjsae, Yinznanz daengj hai le 10 baez, saemjdingh le gij swz baudaengz swz moq Sawcuengh youq ndaw 2800 lai aen. Baez hoih neix, doiq caiq guh ndei gaiq hong saw swz moq Sawgun hoiz ndaej engq gveihfan, engq dungjyiz caeuq engq byauhcnj, sawj gij saehnieb fanhoiz Sawcuengh engq gohyoz hwngfat, sawj daengx aen saehnieb fanhoiz minzczuz yijvwnz mboujduenh guh baenaj.

(Cunghgoz Minzczuz Yijvwnz Fanhyizgiz hawjgaug)

Cinzdangz Gih: Haiguh Bi 2019 Hagdangz Doxidax Vahcuengh Doeg Saw Gingdiemj Cunghvaz

Ndwen 10 ngoenz 16, Gveigangj Si Cinzdangz Gih Mungzgungh Cin Minzczuz Cogaep Cunghag banh bi 2019 Cinzdangz Gih hagdangz doxdax Vahcuengh doeg saw gingdiemj, neix hix dwg Gvangjsih gaiq daihcibngeih doxdax doeg saw gingdiemj Cunghvaz caeuq 2019 Gvangjsih hagdangz doxdax doeg saw gingdiemj Cunghvaz Cinzdangz Gih doxdax senjleh Vahcuengh. Baez doxdax neix youz Cinzdangz Gih Gyauyuzgiz cawjbanh, Mungzgungh Cungsim Siujyoz, Mungzgungh Cin Minzczuz Cogaep Cunghag bangbanh,

faen cuj hagseng caeuq cuj lauxsae guh.

Mwh hozdung, gyoengq doengzhag doeg 《Lwgnyezhung Cungguek Gangj》《Gou Gyaez Guekcoj》《Danqhaenh Guekcoj》《Goj Cangzcwnz》daengj, danqhaenh guekcoj hungmbwk raeuz, doeg ok gij cingz gyaez guekcoj, cienz gij cingz gyaez guekcoj. Youq mwh doxdax, gyoengq lauxsae riengz gij yaem'wenq gyaeunde, caeuq gij dungcoz rengzrwd, doeg gij gingdiemj gig miz yinxdaeuz, yungh gij sing-yaem goksad neix danqhaenh guek-

coj, yungh cingz ndaw sim haenh vahcoj!

Baez doxdax neix cuj hagseng gungh bingz ok 3 boux itdaengjciengj, 5 boux ngeihdaengjciengj, 8 boux samdaengjciengj. Cuj lauxsae gungh bingz ok 8 boux itdaengjciengj, 8 boux ngeihdaengjciengj. Cinzdangz Gih Gyauyuzgiz yaek daj gyoengq vnz ndaej ciengj neix senjleh 2 boux lauxsae, 3 boux hagseng daiqbiuj Gveigangj Si camgya swcigih cungjgezsa.

(Cinz Souhwngz/覃寿恒)

SIUSIK DINJ

● Geij bi neix daeuq, Nanzdanh Yen Luzcai Cin mboujduenh cauhoq loh-naemj, cienjbienq banggunz vunqsik, doenggvaq cwngfuj sonyinx, hozcozse daiqdoengh, vunlai camgya daengj vunqsik, haenqrengz doicaenh hwngfat daegsaek canjnieb makndae, coicaenh vunlai laisou baenz miz.

(Liengz Yaujdanh)

● Geij bi neix daeuq, Yungzanh Yen haenqrengz saedhengz couhnieb bangfuz, leihyungh gijndei swwhyen gak yanghcin, mbanj, youq mbanj goengrengz haemq lai haenx hwnjguh buek ceh-genh banggunz, cangj iq daengj couhnieb cauhaenh bingzdaiz, gaenxmaenx hwngfat lajmbanj gingheci, gunghawj couhnieb gangjvei. Doengzseiz, dangdieg lij gyagiengz son'gyauq dinfwngz ranzungzhoj, hawj goengrengz gungzhoj youq bakdou hawj ranz couhnieb, saedyienh ra cienz caeuq yawj ranz cungj mbouj nguh.

(Vangz Yaubangh)

● Mboengqneix, Luzcai Yen Bingzsanh Cin makgamdiengz haeuj daengz seiz baenz sou, aen cin neix 18 aen ciengz senj mak laebdaeb haihong, ciengz senj mak nyaengqnyatnyat. Ciuq cam rox, Bingzsanh makgam miz 6.14 fanh moux, gaenq dawzmak 4.51 fanh moux, daengz seiz baenz sou, moix ngoenz gunghawj 3.6 fanh aen guhhong gangjvei hawj aen cin neix caeuq aen cin henzgyawj, miz ca mbouj geijlai 400 ranz ranzungzhoj camgya sou caeuq senj mak cang yinh.

(Lai Genveih)

● Bi 2019 ndwen 10 ngoenz 17 dwg aen daihroek ngoenz banggunz guekgya, hix dwg aen daihngiehcib caet ngoenz siucawz gungzhoj gozci. Cingsih Si yungh aen seizgei neix, cujiz 13 aen bouhmonz gvendaengz bouguhnaz, youq aen gvangcangz youqndwi aen si neix "laeb daiz laeb dan", senhconz gij cwngcwz baenzdauq banggunz leih lwgminz hawj vunlai gvaq roen, ndaej daengz gyoengqvunz haenh.

(Cinz Hungzcangz)